



Inatsisartunut ilaasortat  
Siverth K. Heilmann aamma Steen Lyngé  
Atassut

**Danmarkimi ilinniartut meerallit pillugit § 37 naapertorlugu apeqqummut 2016/210-  
imut akissut**

16-08-2016  
Suliap nr. : 2016-12082  
Allakkat nr. 3272190

Asasakka Siverth aamma Steen

Postboks 1029  
3900 Nuuk  
Oqarasuaat: +299 34 50 00  
Allak.: +299 32 20 73  
Email: ikiin@nanoq.gl  
www.nanoq.gl

Naalakkersuisut sinnerlugit Danmarkimi ilinniartut meerallit pillugit apeqqutissinnut  
qujavunga taannalu ataani akineqarpoq.

**1. Kalaallit Nunaanni ilinniartut Kalaallit Nunaata avataani ilinniartut  
qanormita amerlatigippat – taakku Danmark-imit ilinniartunut aammalu  
Danmark-ip avataani ilinniartunut immikkoortillugit?**

31/12 2015-imi Kalaallit Nunaata avataani ilinniartut 721-usimapput, 697-it  
Danmarkimiillutik 24-llu nunani allaniillutik. Amerlanersaat ingerlariaqqiffiusumik  
ilinniartuupput.

**2. Taakkunanit ilinniartut, qassimmita meeraqarpat?**

1/1 2013-imi Danmarkimi ilinniartut qallunaat SU-annut nuupput, taamaalilluni  
Danmarkimi ilinniartunut maanngaanniit meeqqanut tapinik tunniussisoqassarluni.  
Taamaammat meeqqat amerlassusaat pillugit paasissutissanik nutaanit peqanngilagut.  
31/12 2012-imi Kalaallit Nunaata avataani ilinniartut 48-usimapput (meeqqat 80-it)  
meeqqat tapiinik tunineqartut, tassa ilinniartut 8 5-iisa assigaat. Ullumikkut ilinniartut  
2012-imit amerlanerupput. Taakku assigiinnassagaluarpaa ilinniartut 61-it (meeqqat  
105-it) ullumikkut Kalaallit Nunaata avataani meerallit ilinniartut agguataarineq taanna  
atorlugu.

- a. **Meeqqat qassit suli atualersimangitsuuppat?**  
2012-imi 49 %-ii meeqqat 0-5-inik ukioqarsimapput.
- b. **Meeqqat qassit atualereersimasuuppat?**  
2012-imi meeqqat 48 %-ii atuartuusimapput.
- c. **Danmark-imi kalaallit ilinniartut meerartallit qanormita Danmark-  
imi Kalaallit Illuinut attuumassuteqarnermikkut  
agguataarsimappat?**

---

DGH	2012-imi ilinniartut meerallit amerlassusaat
-----	---

---

Ålborg	24 %
--------	------

Århus	35 %
Odense	20 %
København	22 %

---

**3. Danmark-imi kalaallit illuinummita qanoq pisariutigissava, kalallit ilinniartut meerartaasa atualereersimasut kalaallisut ilinniutinik siammarterisinnaaneq isumagilissagaluarpatigit?**

Atuakkat ilinniutit Kalaallit Illuinut agguanneqassasut inassutigineqarpoq, taamaalilluni ilinniartut meerallit namminneq atuakkat aasinnaangussavaat.

**4. Qanormita Naalackersuisunut imaluunniit ilinniuserfik Inerisaavimmut aningaasatigit naleqassava, nunatta avataani kalaallit ilinniartut meerartaannut atualereersimasunut kalaallisut ilinniutinik pissarsinnaanissaat atuutilissangaluarpat?**

Ilinniartitaanermut aqutsisoqarfiup maanna saqqummersitat nutaat tamaasa Danmarkimi Kalaallit illuinut sisamanut kiisalu Rigshospitalimi atuartitsisunut paasissutissatut nassiussuuppaat.

Meeqqat atuartunngorsinnaalernikut nunaqarfimmi atuarfimmu amerlaqatigimmatigit meeqqat taakku kalaallisuunik atuartitsissutinik tunineqarnissaat Ilinniartitaanermut aqutsisoqarfimmut annertunerusumik aningaasartuutaajunnangillat, pingaartumik eqqarsaatigissagaanni atuartitsissutit taamaallaat kalaallisut ilinniartitsinermut tunngasuuppata.

Taamaattoqassappat pisariaqassaaq Kalaallit illuutaasa atuakkanik ilinniutinik agguassinermut aqutsisuunissaat, tassami agguasseriaatsimi ilinniarfiit Ilinniartitaanermut aqutsisoqarfiup saqqummersitaanik akeqanngitsumik tunineqartarnerat inuinnaallu akiliillutik pisisartut immikkoortinneqartaramik. Kalaallit ilinniartut meerallit ataasiakkaat inuinnaallu ataasiakkaat immikkoortinneqassappata allaffissornikkut suliassaalissaaq ajornakusoortoq.

Inussiarnersumik inuulluaqqusillunga

Nivi Olsen